

## ĀDUNIYA KULU BŌRŌ DAAMA BEIYANIYOM

### SENNI ZIIGO

Ka simma nna buricinitere ka n bōrō gwene iyaali bei nna daama duuri ka bōrō fō su hini ka hoṅu n se ya bara bōṅṅ duuri nna laakari kaniyom āduniya kuna,

Ka simma nna ka bōrō daama duuri bara hei fō ka sariya hima a ma ceruma ka bōrō mōrani nna tilaasi gurujē nna meiyom berekete nna kwene bōrō futu,

Ka simma nna naane ka āduniya zamaa sariya nyā dam daama duuri ga buricinitere nna bōrō jirima bōṅṅ nna kwene daama ka a gono weibōrō nna harubōrō ciyom afo gonouom kuna,

Ka simma nna ka bine a hima gō rōkasine hennō ma gono ganna nna ganna ḡmaaniyo binni n hānu kulu mōṅṅine kweiyom dirōu ga,

Ka simma nna ka āduniya zamaa diya mariga beeri, tabataniyom mēfo ceejiyom ka n baa āduniya ganna zamaa kulu ma tō daama duuri hini ga nna a zaamani safu ḡwaani ḡwaani ka n damyom nna daama duuri ko ga a jirimani ko beiyom tōntōni ceeji a bōṅṅ,

Ka simma nna ka āduniya zamaa marga beeri tutu ka ṅayo ba mē cineyo kulu cii kawa bōrō gwene āduniya daama duuri hini ga,

Ka simma nna ka mēcineyo cimaniyo ya ba nam daama duuri gweiyō ma dira dei-dei,

āduniya zamaa marigā beiyani bōrō gwene daama duuri ādininya kuna gwei cirici ka a hima zaamani an kokari kā ci tēente n ḡmaare ba mani za couyom hini kuna beiyom ceejiyom, ga, bōrō kulu ma mē cine di ci a gwene ganna zamaayom kulu mō ma duwa ka geeri tila cirici wō ga. Za ganna ḡmaani ḡmaaniyom kuna hali an to āduniya zama kulu.

### ASARIYA SINTE (1)

Aduniya kuna n gu ibuna damayo hei nō dei-dei nn daama nna n burucinitere fō, n lasabu nna laakari ya nam nn mō huro cere kuna nyanze tere bōṅṅ.

### ASARIYA HINKANTE (2)

Baa mei hima a ma gonna daama nna bōṅṅ meiyom zaṅa ka daama bei beiyaniyom mē cine na a siriyani dimi fiscu yo ma sii. A sii nna n ma ci wō nō gaa kwaare wō nō gaa bii wō nō weibōrō wō nō harubōrō.

A sii nna cine fiscuyom; a sii nna adiini fiscuyom a bine sii nna siyasa fiscuyom.

### ASARIYA HINZANTE (3)

Bōrō kulu gonna hunayom nna bōṅṅ meiyom nna bōṅṅ naaneyom daama.

### ASARIYA TAACINTE (4)

Bōrō fō na hima an ci bōrō fō se tam dee bine n ma mōriya berekete. A ganna nō n hoṅu tamtere nna mōriyayom berekete ba hini fō ga.

### ASARIYA GUNTE (5)

N su bōrō fō wahalani, n su ga cēenani n bine su ga kamani.

### ASARIYA IDDUNTE (6)

Sariya ganna baa mani bōrō gono a hima an saria ganna.

### ASARIYA IYENTE (7)

Iri kulu afo sariya mōṅṅine ya nō bine sariya di gu iri kulu ceruma.

### ASARIYA AIYAAKUNTE (8)

Batume gono bamei se qee bōrō na sariya daali n ma cee goosi sariyayo di mōṅṅine ka yii ko beiyom.

### ASARIYA EGANTE (9)

Hini sii bōrō fō se a ma hacine dii ka daabu ōu a ma gei, dee bine a ma kaa kwaara ka na cii taalifo bōṅṅ.

### ASARIYA WEINTE (10)

Hini gono bamei se an goosi ce; goosi ka a ba hini ka a no cimi zu a ma tagarani a daama nna a tilasi bojo.

#### ASARIYA WEICINIFONTE (11)

Ba n taali damyom nga se goosi ma a ciba n faaba kwe yo majine n ma du ka n ci taali kwe.

A sii na n ma bozo no taali daa fo bozo ka sariya dom na a jisi. Ya no bine hana gunguyom ka a bisa sasariya sii. Sariya zaka ya hima hana gunguyom.

#### ASARIYA WEICINI HINKANTE (12)

Bozo fo su mee dam bozo fuu senni kuna berekete. Ya no bine bozo fo sii nna a ma hansasine jirima zobu. Sariya bamei ceruma nna alaamari zana yayo.

#### ASARIYA WEICINI HINZANTE (13)

Daama gono bamei se a ma kwei nuu ka a baa kulu.

A ma gozo kwaara ka a sawayom a se a ma tunu saa ka a bine baa.

#### ASARIYA WEICINI TAACINTE (14)

Bamei ka sanani na n gaari n kwaara kuna daama gono n se n ma gana kwaara gwaani ka hini ceeji n ma n ta yoo.

Daama di su go n daabu dee a bara nna bozo wii zu bine daa berekete fo yo ka aduniya zamaa mariga beeri hoju.

#### ASARIYA WEICINI GUNTE (15)

Bamei kulu hima a ma gonna dimi.

N su hini ka hoju bozo se a dimi takii bozo.

#### Asariya weicini idunte (16)

Dee bozo ka to balaga a sii nna ma dimi nna adiini fisco wei nna haru se domi daama fo di no n kulu gonna za n hiije waati hali n fefeyom saa.

N su hini ka hiije hu ka a na ci nna n bozo hinka kulu bakasine.

Iyaali ya bara zaamani safu ci cirici a ganna no gominanti ga a ceruma.

#### Asariya weicini iyente (17)

Bamei, n bozo fo no, noo zamaa no, daama gono wo gonna duuri.

A sii n ma bozo gana a duuri takii bozo.

#### Asariya weicini iyaakunte (18)

Bamei kulu gonna daama lasabu, ga, diayom kuna nna adiini ganayom ga n bine ba hini ka baaru n bozo fo zu noo zamaa ko ga loo zana ka a sawa noo se.

#### Asariya weicini egante (19)

Bamei kulu gonna lasabu nna senni daama. A se ganna no bozo su ba heifo senni zu lasabu ko dirigoyom hei ka a bine ba senni kulu hini ka sei ba mani.

#### Asariya warankante (20)

Bamei kulu gonna kummayom nna igwe kuna gonoyom daama.

N su bozo tilasi igwe fo kuna wuroyom.

#### Asariya waranka cinifonte (21)

Bamei gonna daama a ma wuro a kwaara senni kuna a bozo zu a barani ka a fisco.

Bamei kulu afo bozo gonna daama a ma gwei te a kwaara gominanti se.

Hei ka zamaa zaa ya bara kwaara yiiko. Zaayom di mo bara ka nna a tete biri.

#### Asariya waranka cini hinkante (22)

Ni ka kulu n gono zamaa kuna hima no n ma gonna zamaa di naane daama. A ma du ko bara n bukaata

mõ biyayom zaa almani nna taadayo daama duuri hini ga heiyo wɔ kulu nna kwaara zaama gaabi nna bine ɔɔɔ ka sine heinno kwarayo ɔwene alkawali hini ga. Ka simma nna zana ka mete yaasi kwaara fo fo na ɔwene almani siriyani.

Asariya waranka cini hinzante (23)

Bamei gonna daama a ma gwei ka ɔ baa fisco. Ya no bine n ga a ceruma nna gwei zaneɪ.

Bamei munaafinsi baasi gonna gwei ka n te banayom daama.

Ni ka n gwei te kulu gonna banayom dei-dei daama ka a ba to ni n ma n ɔwene iyaali koto nna beere boɔ.

Bamei gonna daama a ma gweiteeriyo zogi taayom igwe safu jisi a bine ba hini ka a boɔ dam a fo ɔwaani ku na a boɔ bukaata fansayom ganna.

Asariya waranka cini taacinte (24)

Bamei gonna gwei hinanzobu nna hoore daama gwei keiyanियom zaka nna gwei hinanzobu kuna banayom saa nna saa.

Asariya waranka cini gunte (25)

Bamei gonna jisiri daama ka a ba hini ko ga ɔwene alaafia nna a iyaali kulu ceruma nna, zaa ɔwaari, taafe, fuu nna baabuyom. Dee a bara sariti ya du ni ɔu bine gwei ya sara musiiba ya na n zeeri, zeene no, dee bine arooba fo ka a na ci n saabu a bara tilasi n ma duwa tee mako daama.

Wei kunu kweiyo, koo ɔweɛrayo gonna tee mako nna kulayom daama. Koo kulu ka nna hei hiije boɔ, ka du ka nam nja ka n hei hiije si boɔ nn kulu gonna kulayom daama.

Asariya waranka cini idunte (26)

Bamei gonna couyom daama. Couyom di ma du ka bara tilasi faala boɔ za coubugu ceene ka kwei sasa wanteyo kamme gwei dendeniyom coubugu nja cere hima n ma feeri bamani. Coubugu beeri n ma nja feeri nugu ka a hima.

Couyom di ma bara heifo ka a mo feeriyom nna jiri ma nufi daama duuri hini ga a ma ci saabu suuru nna kwaasitere ma tee dimiyo nna adiiniyo binni laakari kaniyom nna wadaata ma te bamei se.

Nyaa nna baabe gonna daama n ma couyo ka n baa fisco n kooyo se.

Asariya waranka cini iyente (27)

Boɔ kulu gonna daama a ma wuro a dimi taada kuna ka a hukumsi.

Bamei gonna daama taadayo kuna a ma a kaayom taago liiba ɔwaa; tila kaayom no, ɔu hoore taago.

Asariya waranka cini iyaakunte (28)

Boɔ kulu gonna daama a ma te hei ka kwaara nna kwaara binni, nugu birijiyom ma si. Laakari kaniyom nna boɔ meiyom mo gono zana ka nna beiyani boɔ aduniya daama tila kuna a ma duka bara mooriyante.

Asariya waranka cini egante (29)

Boɔ gonna tilasiyo zamani ka kuna a gono. Zamani di ka kuna a folonku boɔ tere nna a jirima hini ka te.

A daama nna a boɔ meiyom looyom kuna no sariya tikite a se a ma duwa ko boɔ cinniyo daama nna n boɔ meiyom bei n se. Macerese mo gono bamei se.

N su ba hini ka daama nna boɔ meiyom di loo ka na cii zana ka yaasi aduniyakwaara diyayo marigayom na a jisi.

Asariya waranzante (30)

Beiyaniyom wɔ looyom ga siriya fo sii ka a ba nam kwaara fo su safu fo dee bine boɔ ma tunu ka koone ko ceeji ganna zamaa ma daama duuri nna boɔ meiyom di ka n dam tila kuna saabu.